

四庫全書

子部

欽定四庫全書

翰苑新書後集上卷十八

賜歷日

歷代事實頒邦國

禮春官太史頒告朔於邦國注天子頒朔於諸侯諸侯藏之祖廟至朔朝

于廟告而受行之

布政事

張齊賢傳百官讀時令布政事詔讀唐貞觀十四年

頒示

唐劉仁軌傳曰當削平遼海

讀令行政

後禮儀志每月朔旦

太史上其月歷有司讀其令奉行其政

揆時施教

後律歷志揆時施教

諸侯聽太廟

見前頒邦國注
記王藻諸侯皮居卿底日左桓公

官居卿以底日治厯明時

易萃卦君子以治厯明時

重始錄事

魯僖公十六年春王正月

戊申朔注朔者重始故書以錄事

綜數尚時

律厯志夫厯有聖人之德六馬以本氣者尚其體以

綜數者尚其文以考類者尚其象以作事者尚其流襲三正厯

志夫改正朔謂夏建寅商建道立五行史厯書黃帝考定丑周建子此三正相襲之道

消息正

以為民極見揆時敬授人時

克典乃命羲和厯象日月星辰敬授

人課清臺

元鳳元年詔丞相御史等雜候上林清臺課諸厯疏密凡十一家自漢厯初起盡元鳳六

年三十六歲而作皇極本傳劉焯

日官平厯左桓七年日

是注日官平厯以頒諸天子告朔不視朔天子告朔于

侯諸侯奉之不失天時

諸侯諸侯受
于禰廟禮也

皇朝新事正天時

仁宗景祐四年司天監楊惟德言明
年正旦日蝕宜改閏以避之上不許

曰閏所以正天時而治民事豈可迴避哉時劉義
治民
歷學為本朝第一歐陽脩司馬光皆專用之

事上考定新舊

英宗治平二年詔翰林學士范鎮考定
新舊歷是非以判司天監周琮等所造

新書為密乃賜名司天歷詔王珪
序之其後不可用琮等皆降官
測驗疏密
孝宗乾道四年奏

歷法稍差詔侍從臺諫監視初將統天紀元歷與劉孝
榮所獻新歷委官測驗互有疏密遂令太史局參照新

舊行用尋禮侍程大昌言新歷比舊
歷稍密遂詔用新歷以乾道為名
申飭討論
孝宗朝

英曰共惟列聖臨御未有不更歷者舊歷差失之甚有
不容不改而新歷亦未有明效大驗但比舊歷稍密爾

厥初最密後由漸差初已小差後將若何故改歷不可
不重也欲乞朝廷申飭思官加意精思勿執今是蓋募
能者熟復討論更造密度使考驗得失神宗熙寧五年
與天合庶幾善後之策也考驗得失淮南人衛朴精
於歷自夏仲康五年癸巳至熙寧六年癸丑二千一百
一年書傳所載凡四百七十五家歷考驗各有得失而
所得為多口誦乘除
不差一算其精如此

起聯

春秋以王而次春丕顯體元之妙
閏月定時而成歲適當班歷之辰

治象一新
懽聲四治

歷紀肇新示欽崇於天道
宸恩下逮俾恭授於人時

閏月定四時爰及三年之閏
春秋大一統是頒萬國之春

璿璣齊以七政鳳歷奏篇
攝提正于孟陬龍躔更始

龍躔易舍即昏旦以求中
鳳歷頒春均朔南而咸暨

千齡啟運載更克應之新
六合同風咸慶夏正之建

課清臺之歷雙璧五珠
賜萬國之書十行一札

接千歲之統莫先治歷以明時
授百官于朝將使赴功而趨事

中聯

八十七萬七千而統元莫窮克應
三百六旬六日而成歲皆本夏時

誠意既孚
嘉生並應

歲月日時既罔差于杪忽
邦國都鄙宜克謹于欽承

記事繫年聖人必書其首月
居御底日王者以授于百官

天畏棐忱式九圓而順帝
星隆晷德齊七政以授人

乾道變化山川鬼神罔不寧
天德清明歲月日時自無易

膺在躬之歷數克肇慶基
察齊政之璣衡上當休命

舜行堯道七政必審於璣衡
武廣文聲五紀在明於歷數

稽夏書則先時不及時罪宜必罰
驗魯史則言日或不及日法亦甚嚴

在璣衡以審天心已見舜功之大
咨義和而授民事率惟堯道之循

結聯
司分司啓已知來歲之宜
或轉或耘並勉西疇之事

萬有千歲共期有道之長
三百六旬恪守不恭之戒

天監厥德方屢格於豐登
職思其憂當並加於勸課

大耕水耨俾不失於農期
夜寐夙興惟深思於王事
仰讀幽詩粗識艱難之業
願宣漢德盡如寬大之書

賜書翰

歷代事實景龍獲瑞

包義氏獲景龍之瑞始作龍書

靈龜有圖

唐賢事始帝堯

因靈龜有圖作龜書

灑金鑒

德宗本紀史臣曰大才秀茂文思雕華灑翰金鑒無愧淮南之作屬辭鉉

樂何慙隴底之書文雅中興豈高一代

寫琬琰

玄宗孝經序寫之琬琰庶有補於將來

美燧

賜銘

馬燧傳帝賜台衡宸扆二銘以言君臣相戒之美

嘉與題贊

盧與傳帝還至陝嘉與美

政題贊于聰事曰專城之重分陝之雄亦既利物内存匪躬斯為國寶不墜家風

仙毫

唐劉禹錫謝表

特紆睿眷親瀧仙毫初無麗天之象遠燭輝光旋驚垂露之恩曲覃霈澤鸞鳳騫翔而變態煙雲舒捲以呈姿

聖墨

張說握符頌聖於翔鸞見仙毫注威鳳唐長孫無忌傳

賜且況賦三傑宋璟傳帝賦三賜萬國後循吏傳光武

其功一札十行家藏數函唐李靖傳家故藏賜靖詔書數函

細書成文從中紙寫一通詩賦餉孫權又以紙寫一通與張昭

視草前淮南王安傳武帝甚尊之重之每為垂萌孝經

契奎主文章蒼頡效象飛白唐馬周傳帝嘗以飛白書

洛龜耀書丹青垂萌賜曰鸞鳳冲霄必假羽翼

股肱之寄賜碑韋臯傳帝賜之諫君以筆唐穆宗問柳

要在忠力碑功碑褒賜之公權筆法對

曰心正則筆正筆正乃可法
帝乃改容悟其以筆諫也

遣使賜詩

戴叔倫傳德宗嘗賦中和節詩

遣使者寵麗天垂露

見仙毫注

結霧霏煙

唐太宗作王羲之書贊布列纖濃霞

舒雲捲無所間然子雲擅名江表行行若紫春蚓字字若綰秋蛇卧王蒙於紙上坐徐偃于筆下詳研古今盡

善盡美惟王逸少乎煙霏霧結鳳翥龍蟠心摹手追此人而已

鸞鳳變態

見仙毫注

煙雲呈

姿

同上注

皇朝新事賜書玉堂之廬

真宗淳化二年蘇易簡願以所賜詩刻石上復為真草行

三體書其詩又飛白書玉堂之廬四字召易簡賜之長編

飛白琳宮之榜

呂祖謙文集仁宗端

拱無為筆勢皆有法度寶文延和之所觀崇政通英之宣示飛白琳宮之榜篆額熟戚之碑至寶元之賜宰相

奏稱神筆奇與非凡可及良有以也

藏之名山

太宗嘗草書經史三十紙刻石摹印詣名山藏之或

丘園養素好古博雅之士亦賜之

圖于講殿

高宗建炎五年書無刻之

金石

建炎九年秦檜乞以御書真草賜于丘園

見藏之名山注

賜明良慶會之字

聖政孝宗御書賜殿帥以下曰朕惟將帥之獎每在敵功而忌能尊己而

自任又書賜明良取國家齊治之義

中興小厯高宗建炎二年上親寫旅

慶會閣字賜史浩取國家齊治之義中興小厯高宗建炎二年上親寫旅

賢之道蓋正心誠意以齊家治國者在德立政造士以致君澤民者在賢與孟軻之格言皆今日急務因知心

術之妙不以神筆奇與見飛白琳懿翰發揚太宗東萊文集字書為工也神筆奇與宮之榜注懿翰發揚太宗銳意

筆札列聖相承俱造神明真宗懿輪發揚出示廷臣或
閱於內閣而命宗諤為序或問於太清而與王旦賦詩

天縱精妙

曰太宗祥符五年內出太宗御書法帖示輔臣

王旦曰以文章化人成俗者自太宗始也自
五代以來筆法無體鍾王之法幾乎息矣
審制發舒

晏元獻文審制發舒實總前踴搗染所及洪纖必
該宇宙入于胸懷風雲出于掌握造化協其隱顯
戒驕

厲廉

高宗御書戒驕情厲廉節詔於
尚書省立石以墨本頒之
中外澄神靜慮
淳化五

草書飛白賜近臣曰學書當與澄神靜
慮興在筆端朕聽政之暇以此自娛耳
賜王褒頌
寶慶二

主上御書王褒聖主
得賢臣頌賜丞相
書陸機賦
寶慶二年主上
輕雲蔽

月若蘇軾飛白贊霏霏乎其若輕雲之蔽月也
若長風之捲浪也飄飄乎其若遊絲之縈柳絮也裊

裊乎其若流水之舞苕帶也離離乎其遠而相屬縮縮乎其近而不隘也游絲紫柳注

前賢詩詞鸞回

杜紫語鸞回紙注紙上之字有回鸞之勢

龍變

鄭獬謝賜飛白書奎成蒼

頡字龍變伏犧書

御札

杜御札早流傳揄揚非造次

車動星辰

鄭獬謝賜飛白書軸動星

辰後筆停風雨餘

珍藏萬世

同上珍藏傳萬世安敢比瓊琚

起聯

倬彼雲漢方嚴一德之藏昭若日星申錫萬方之寵

垂世立言與聖經而表裏崇儒重道因宸翰以發揮

細旃儲思述闕里之聖賢鴻筆垂光賁琅函于郡國

中聯

蘊典之義默契於淵衷昭回之光發揮於宸翰

雲章寶蹟一灑萬幾之餘
蠹簡塵編遂增九鼎之重

擬聖而作盡包羅天地之情
肆筆而書發昭回雲漢之象

錫萬國之細書形於手跡
念庶民之艱食猶若己飢

頌自九重固已金聲而玉振
兼通八法無非墨妙而筆精

若稽上古監無逸之元龜
倂嚮有條集卷阿之鳴鳳

載形心畫 榮若絲綸之被 盡龍跳虎踞之工
昭示帝謨 昭于琬琰之傳 極鳳翥鸞迴之妙

金聲玉振知魏晉之無前 申以丁寧之天語
鳳翥鸞迴信帝王之有體 見於炳煥之奎文

風雷鼓舞已渙發于宸綸
雲漢昭回又摹傳于寶刻

結聯

煥乎文章既觀神馬圖書之秘
注其耳目共化羔羊節儉之風

十行奎畫永資神物之護持
千里閩邦共戴天威之咫尺

三復而誦恍奎壁之增輝
十襲以藏等乾坤而朽

窺文竊嘆聳雲漢之昭回
拜貺增榮覺天顏之咫尺

賜衣馬

歷代事實著功德

白虎通能安民故賜車賜侯伯書文
馬以著其功德安其身

命馬四匹注馬供武之用四匹曰乘馬錫韓詩韓奕篇
乘侯伯之賜無常比功小大為度

元衮赤舄其賜伊輅服賜晉左僖二十八年王命服采
何乘馬路車云云輅服賜晉賜晉侯大輅之服命服采

詩服其命服
朱希斯皇
拜衣
記玉藻篇君賜車馬乘賜驪後李忠
以拜賜衣服以拜賜
傳世宗

拜衣

以記玉藻篇君賜車馬乘賜麗後李忠
以拜賜衣服服以拜賜馬傳世宗

以所乘大驪馬及解貂唐韋挺傳帝親解貂勸有德董仲
繡被衣物賜之

解貂唐韋挺傳帝親解貂裘及中殿馬賜之

勸有德董仲

舒策制度文采元黃之飭所以賜大功書文侯之命用
明尊卑異貴賤而勸有德也

賜大功

書文侯之命用
賚爾秬鬯一卣

彤弓一彤矢百盧弓一盧矢百馬四匹父往哉注諸侯有大功賜弓矢然後專征伐彤弓以講德習射藏示子孫馬供武用四匹曰乘侯伯衮繡九罍詩我見之賜無常以功大小為度衮繡子衮衣繡裳驪黃

詩駟篇薄言駟者有驕有皇有驤有錫予詩采薇何以車彭彭思無疆思馬斯城云云

詩采薇何
錫之路車乘

馬何_以予_之服乘_{見前拜}安且吉兮_{無衣詩豈曰無衣}

服乘見前
衣注拜

安且吉兮

無衣詩豈曰無衣
七兮不如子之衣

安且吉兮注何以贈之詩渭陽篇何以
贈之路車乘黃

何以贈之

詩渭陽篇何以
贈之路車乘黃

皇朝新事遣使賜之

李彝興夏州人太祖方事征討彝興貢戰馬三百匹太祖命王工治

帶親臨視之召其使問彝興腰圍大小使言彝興腰圍如合抱之木太祖曰汝帥真福人遂遣使以帶賜之

亦卿力也

真宗親征澶淵幸北寨勞軍召排陣使李繼隆石保吉宴射行宮亭咸賜襲衣金帶鞍馬

仍舉酒屬之繼隆等皆引滿上曰北狄自古為患憺思平日憤恚盡議殲夷則須日尋干戈歲有勞費今得其

畏威服義息戰安民甚慰朕懷亦卿等之力也

黃金名馬

仁宗康定間元昊擾邊甲午賜涇原駐泊

都監禮賓副使王珪名馬二疋黃金三十兩畧鎗絹二百疋仍遣使撫諭之復下詔暴其功寨下以厲諸將尋

命為本路駐泊都監復兼行營勒金字處置牌賜之使得專殺真珠蟠龍國朝董道誨

解所服真珠蟠龍衣賜之

起聯

煥職超居正被絲綸之寵
馭恩下逮猥伸乘服之頒

蕪詞美取掌中禁之絲綸
殊渥有加輟尚方之服御

中聯

向也錫之輦帶竟招三褫之尤
政惟範我馳驅未有一禽之獲

藍縷寒蹤
虺隤暮齒

解衣以待士尤感於招徠
持策而臨材壺歸于駕御

衣敝緼袍志敢輕於束帶
御款段馬老有愧於據鞍

收斂壯心無復千里之志
奉宣德意庶幾五袴之謠
每念牛衣之泣卧
居慙馬革之褻歸

結聯

弗曳弗妻並念羈梁之稱
無邪無斁更深駟牧之思

願言補袞輔時政之闕遺
未忍執鞭求此生之富貴

要之襟之好人服之第之彌縫之用
瘡矣痛矣云何吁矣恐貽負乘之譏

賜衣襖

歷代事實安且燠

無衣詩豈曰無衣六兮
不如子之衣安且燠兮
敝改為詩縹衣

衣之宜兮敝予又改為
賜衛公韋瑞符衛公故物記
衛

錦袍裁制絕巧綾
旌文惠唐狄文惠公轉幽州都督賜
襖一促製小袖

其忠
五采龍書並稷帝曰予欲觀古人之象日月星辰山
采彰施於五九章唐車服志逮有周氏制袞冕以祀先

色作服汝明
九章王也九章者法於陽數也又禮司服

衣五章袞
章身左閔二年晉太子帥師公衣之偏衣狐
曰九章突曰衣身之章也故服其身則衣之純

衣之旃服也稱德唐柳公綽傳衣服典命禮典命掌諸臣

各職其司裘禮天官司裘季冬獻功裘以解衣漢韓信

命之數司裘待頒賜注功裘人功微寵

解衣衣我藏袴通鑑韓昭侯有敝袴命昔之不祥藏袴藏之曰待有功者賜之

皇朝新事降襖以備賞功治跡統類仁宗平儂智高賊

卯降空名宣頭頭子各一百道錦襖賜服以嚮儒學上

子金銀帶三百下狄青以備賞功

天聖二年六月乙未賜尚書工部郎中直龍圖閣馮宗

元三品服以講孝經時帝方嚮儒學召宗元入講故賜

之賜錦襖學士舊規十月初別賜黃盤雕錦金坡遺事

前賢詩詞終身荷聖情杜端午賜衣詩端午被恩榮宮

衣亦有名細葛含風軟香羅疊

雪輕自天提處濕當暑著來錦衣猶帶御爐香詹用之出守詩

清意內稱長短終身荷聖情錦衣猶帶御爐香詹用之出守詩

錦衣猶帶御爐香詹用之出守詩

千里龍旌新政令九重鳳閣舊文章

警聯時令屆寒方慮索裘之晚

君恩逮下肆頒在笥之珍

芝泥開檢捧宸詔以深溫

永繭成袍被身章而麗密

楚人挾纊彰拊循士卒之能

漢祖解衣得駕馭英雄之術

服之以拜難忘戴記之恭

敵而改為益詠周詩之寵

稽首懽呼屬當共服之辰爰出有司之幣

省躬感厲深軫無衣之念以為公子之裘

全家相語知安煥之自天分頒出笥之珍

中心永藏擔捐糜之有日加賁章身之寵

賜笏帶

歷代事實王寶萬釘

突厥統葉護可汗獻萬釘寶鈿玉帶

家傳三世韓臯

黃門以來三世傳執一笏經祖父所執未嘗輕授于僕人之手歸則別致在內一榻以示敬謹語林云 賜

以題詩

王起兼太常卿禮儀帝使題詩大字以笏賜之

命取講易

文宗朝李訓講易頗協上

意時方盛夏遂命取水玉帶以賜訓出林陽編

雁銜威儀

唐會要貞元間德宗詔頃來賜衣文綵不

常非制也宜有定制節度使宜以綴帶取其武毅以靖封內觀察使宜以雁銜威儀取其行列有序冀牧人有

威儀

多薦憤烈

孫樵笏銘靈多薦角比干獻骨合以憤烈在公為笏

內府之珍

因話

錄晉公平淮西賜之王帶公臨薨進口占奏狀曰內府之珍先朝所賜既不合將歸地下又不合留在人間聞

者嘆其

滿床之榮

見詩辭門

黃銀

唐太宗賜房元齡黃銀帶

紅玉

唐明皇雜錄上

自解紅玉

立朝

語赤也東帶立於朝可使與賓客言也

指日

孫樵笏銘柱天不仄指日

不比玉

記王藻几帶必有佩玉佩玉必有銜牙馱骨孫君于無故玉不去身君子於玉比德焉馱骨孫

前注銘見

班瑞

書舜典班瑞于羣后

錫鞶

易訟卦或錫之鞶帶

擇與李絳

唐憲宗賜

李絳金紫親

解賜全忠

宦者傳天子入朱忠軍解玉帶以賜之

十有三玉

唐韋端符衛公故物記衛公家傳賜書與它服羗象笏一差狹玉帶一首末為十有三玉

重積一榻

唐本傳崔履為諫議大夫其羗從數十人每歲時宴于家以一榻置笏猶重積於其上

賜裴度

唐裴

度傳拜彰義軍節度及行賜通

送如晦

杜如晦傳帝賜天御帶發神策騎三百為衛

元齡黃銀帶更

取金帶送卿家甘棠唐魏墓傳徵五世孫文宗聞卿家如晦家書詔頗有存者墓對惟故笏在詔

今上鄭覃曰在人不在衛公故物見十有三玉注標儀條臆孫

笏銘標儀條結紐收衽淮南子帶足以結笏不可挫孫

唾笏銘怒虎可挫帶則有餘詩都人士篇匪伊分金杜內分

賜玉唐穆宗賜楊元卿白玉帶

皇朝新事儒門美事東軒筆錄國初知制誥有衣綠者錢若水自舍人遷學士入謝曰閭

門承旨例先賜金紫太宗訝之閭門依舊例對太宗曰吾欲令錢若水綠袍上繫金帶儒門之美事也御

服賜勞治跡統類皇祐中孫沔為將平僂智高還自嶺南帝問勞解所服御帶賜之

名賢詩詞八寶

杜詩八寶裝腰帶真珠絡臂鞵

相觀錦袍

東坡詩此帶閱人如傳舍

相逢對我亦恁哉錦袍錯落

對揚資指畫

丁謂笏詩對揚資指畫受

命助心藏珍重傳三世

同上珍重傳三

懸金魚

韓詩不知官高卑玉帶懸

金垂玉珮

韓帶垂玉珮

吳鈎

鮑明遠詩錦帶佩吳鈎

警聯

細書一札傳以使軺

遼閣參聯寅奉寶儲之直

策名下士但知斂板之恭

服采周行常佩書紳之戒

飲冰出賜方堅匪石之誠


賜珮寵行速煥兼金之飾

拜手方承於帝命

綬而在鎮尚希晉將之風

東以立朝曷繼孔門之業

折腰已煥於朝班



翰苑新書後集上卷十八

欽定四庫全書

子部

翰苑新書後集上卷十九
二十

詳校官中書_臣康綸鈞

主事_臣祁韻士覆勘

總校官知縣_臣楊懋珩

校對官中書_臣邱桂山

謄錄監生_臣唐淮

欽定四庫全書

翰苑新書後集上卷十九

賜宴飲

歷代事實鹿鳴

詩鹿鳴宴羣臣嘉賓

魚藻

詩魚藻王在在鎬豈樂飲酒注武王在鎬京之

內優游無事

幾烝

左宣十六年晉侯使士會平王室定飲酒自樂也

其故王曰王享有體薦宴有折俎公當享卿當宴王室之禮也

昌歜

僖公三十年王使周公閱來聘享有

昌歜白黑形鹽解曰國君文足昭也武足畏也則有備物之享以象其德

折俎

見穀

加籩

六年季孫宿如晉晉侯享之有加籩武子固請徹晉人以為知禮也

花萼樓

唐鑑玄宗以生日宴百官

於花武成殿

唐李元結傳五月五日宴武成殿賜羣臣襲衣

詔飲太學

韓愈上已宴太

學詩序天子念致理之艱難樂居安之間暇肇置三令節詔公卿羣有司至於其日率殿官屬飲酒以樂所以

同其休宣其和感其心成其文也

賜宴曲江

唐張建封傳元已賜宴曲江與宰相同

式燕

以樂

詩南有嘉魚樂與賢也太平之君子至誠樂與賢者共之也又君子有酒嘉賓式燕以樂注則待之

以嘉賓接之以燕飲而歡然相樂焉云云

不醉無歸

詩湛露天子宴諸侯也又厭厭夜飲不醉無歸

注非既醉則不歸臣侍君宴不下其夜然恩情濃則禮法畧

皇朝新事聞喜曲

江

治迹統類唐時禮部放榜之後釀飲于曲江號聞喜宴五代於名園

佛舍中周顯德中以官主之上命中使典領供帳甚盛

賜宴瓊林

同上太平興國八年上御講武

殿覆試並賜及第餘同出身侍釣天王皇談苑李昉文
正公太宗遇

之甚厚年老罷相每賜宴必先赴座嘗獻詩曰微臣自愧頭如雪也向釣天侍玉皇賜御席金器

蘇易簡在翰林太宗一日召對賜酒甚懽上曰君臣千載遇易簡應聲曰忠孝一生心太宗大說以所御席金

器盡和詩釣魚古今詩話呂正惠端太宗朝為參知政
事多獨對便殿語必移刻因宴後苑上

作釣魚詩斷句云欲餌金鉤殊未達蟠溪湏問釣魚人公和云愚臣餌釣難堪用宜用濠梁結網人不數日拜

平章及第賜宴太宗好文進士及第賜聞喜宴
常作詩贈之景祐因為故事

前賢詩詞天宴碧霞漿丁謂詩帝獎甘露
醴天宴碧霞漿絲管侍重瞳

楊允不預曲宴詩聞說宮花滿鬢紅上林絲管戴了宮侍重瞳蓬萊咫尺無由到始信仙風迴不同

花賦了詩

李宗諤詩進赴御宴戴了官花賦了詩不容重睹緒黃衣無膠獨出金門去恰似當年下

第
歸

警聯

揭大訓以麗天方切菱牆之感賁殊恩於湛露遂加柱石之徽

進徽宗實錄賜宴謝

史述信書招揭先猷之盛恩沾邇列式均嘉燕之私

同上

有頌其首既膺魚藻之權惟既厥心少竭鹽梅之報

賜生餽

歷代事實致禮孔綖

唐孔綖致仕歲致羊禮賜養長孺前酒遣之如漢徵士禮

賢字長孺上賜牛一上尊酒十碩

賜牽

禮天官宰夫以牢禮之法掌其膳獻賓賜之飧牽注牲牢可牽

以行必畜語十君賜宰夫見賜司儀禮秋官司儀致加

士鞅

左昭二十一年晉士鞅來聘

賜

匡衡

匡衡傳賜上尊酒養牛

羊酒

元鳳元年詔修孝悌以教鄉里令郡縣常以正月賜羊酒

旁引事舜牛羊

萬章下堯之於舜也使其子九男事之二女女焉百官牛羊倉庫備以養舜於

畎畝畜伋犬馬

孟繆公之於子思也亟問亟饋鼎肉子思曰今而後知君之犬馬畜伋蓋自是

臺無餽也悅賢不能舉又不能養也可謂悅賢乎

鼎象大烹

鼎卦彖曰鼎象也以木巽火烹飪也

聖人烹以享上帝晉馬蕃錫晉卦康侯用

嘉魚與賢詩南

有嘉魚樂

鹿鳴將意

詩鹿鳴燕羣臣嘉賓也既飲食之又實幣帛筐篚以將其厚意

警聯

既醉既飽敢忘推食之誠
思斯勤斯誓有捐軀之報

肉食寡謀豈稱醴牢之厚
素餐無補或貽迺稻之羞

醪酒旨清又將蒙既醉之福
餼牽豐碩蓋將識自養之榮

醞醴餼牽聖主待賢而錫寵
來年嘉穀良農供上以樂輸

好善言忘旨酒思靡廢於投醪
將厚意宴嘉賓誠不忘於推食
有硯餼牢之頒
以榮犬馬之畜

賜禮物

歷代事實玉五穀

左昭公十八年王享璧一雙
虞卿史醴命之宥賜玉五穀

說趙王王一見之賜章有德郭賀傳賀為荊州刺史有
白璧一雙黃金百鎰章有德郭賀傳賀為荊州刺史有
珠政顯宗賜以三公之服

黼黻冕旒使百姓見其容服以章有德通鑑

著善政

唐王琳傳武后詔賜几

杖車馬

漢卓茂傳詔曰夫名冠天下當受天下重賞今以茂為太傅封褒德侯賜几杖車馬黼黻

冕旒

章有德注幣帛將意

鹿鳴詩既飲食之又實幣帛筐篚以將其厚意

車服以庸

舜典明試以功車服以庸注明試其言以要其功功成則賜車服以表顯其能用

賞金

驃騎大將軍出擊

胡賞賜五十萬金軍馬死者十餘萬匹

分玉

書旅焚分寶玉于伯叔之國時庸展親

拜衣

記玉

藻君賜車馬乘以拜賜衣服服以拜賜履

左僖公四年管仲曰昔召康公命我先君太公曰五侯九伯汝

實征之以夾輔周室賜我先君履

文被

司馬承貞傳賜寶琴履文被

瑞錦

馮定傳召升殿賜禁

中瑞金鈎

東觀漢記曰楊錫以病罷居無何拜太常詔賜御府衣一襲自所服冠幘綬玉壺革金錯

佩珠劍太宗為徐州刺史昭太紫艾綬漢書馮魴為侍中稍遷衛尉能

取悅當時為安帝所寵帝幸其府留飲青羔裘西京雜記成帝

好蹴鞠羣臣以蹴鞠勞體非尊所宜帝曰朕好之可擇侶而不勞者奏之家君作彈碁以獻帝大悅賜青羔裘

紫絲履服以朝覲

皇朝新事論事無避

治跡統類慶歷中賜諫院王素三服余靖蔡襄歐陽修五品服而

論之曰卿等皆朕所自擇有節可嘉同上仁宗天聖二

州林逋粟帛兩浙運使言逋有特賜賢勞言行錄范成

江東兼行宮留守奏事畢陸辭詔明日辭遜德殿近例賜宰執酒止傳觴至是特設几開宴酒三行命內侍捧

縑素來上有石湖二大字御墨尚濕公拜賜上勞公曰卿南至桂廣北使幽燕西入巴蜀東薄鄧海可謂賢勞

加寵動舊

高宗朝上曰宜加寵劉光世功臣朕未嘗忘聞其病中無聊昨日以玩好物數種賜之光

世見之大喜秉燭夜觀幾至四更朕於宮中送歸金蓮凡玩好之物未嘗經目止要賜勲舊賢勞耳

治跡統類皇祐中獲軾為翰林學士太皇太后謂之曰神宗皇帝當飲食時每看卿文字輒停箸稱賞曰奇才

奇才未及用學士而上已仙遊軾哭失聲太皇太后與上左右皆泣已而賜茶曰內翰直須盡心事官家以報

先帝知遇軾拜而召賜銀器淳化中召見隱者种放入出撤金蓮送歸院

物及御製五言詩又賜昭慶坊第一區加帳什物銀器五百兩錢三十萬以寵之

警聯

使車專命

寵私罔極

宣伊極陋之姿

堪此殊常之寵

膚使馳軺璽賜耀綸章之渥
精鏐製器寶香兼貢茗之珍

厚其幣帛將盡鹿鳴之誠
如彼高岡敢忘天保之報
光塞門闌
歡傾里社

永謂非常之賜
得黃金百初微李布之名
真為不朽之榮
復白圭三不慮南容之玷

賜湯藥

歷代事實剪鬚

唐李勣傳勣嘗暴病醫者曰須用鬚灰可治太宗乃自剪鬚以和藥

苦口

前張良傳良藥苦口利攻病惑方士張臯上疏曰神慮
於病忠言逆耳利於行
清則血氣和嗜慾勝則疾瘳
作藥以攻病無病不用藥也
痊痾韓愈蓮詩冷比雪霜
病賜鍾乳高季輔傳太宗賜鍾乳一劑曰卿進猪苓
進藥石之言朕以藥石相報云云
進猪苓

學解嘗醫師以昌陽引年欲進其掃苓也丹砂同上玉札丹砂赤箭青芝烏喙紫陽文集如烏喙之

殺人曰必不可食則可而藥石左襄二十二年臧孫曰

孫之惡我芎藭春秋注麴藭可療河魚之疾又可避濕藥石也芎藭本草注麴藭只芎藭也又見東坡詩注

拜受語十康子饋有喜易无妄之疾勿藥有喜親和唐李太白傳

和藥驛詔醫馬周傳每詔上醫使親護躬為調藥

皇朝新事遣醫灼艾言行錄范成大號石湖先生孝宗朝召起治福州引疾固辭詔令奏

事又辭上先遣醫官張廣卿傳旨灼艾既勞公曰卿南至桂廣北使幽燕西入巴蜀東薄鄞海可謂賢勞宜其

多疾出關賜藥上又親袖丹砂以賜公既出關復賜藥袖甚厚至家又遣使賜御書蘇轍詩二首袖

賜丹砂同上

前賢詩詞絳雪

青箱仙人贈我一丸藥吞入肺肝疑絳雪

玄霜

裴航飲盡瓊漿百感生玄

霜搗就見雲英藍橋便是神仙客何必區區上玉京

青精好顏

杜詩豈無青精飯使我顏色好黃

獨為命

杜詩長饒長饒白木柄我生託子以為命黃獨無苗山雪盛

警聯

時臨三伏莫禦炎威札賜十行鼎來珍劑

念長沙之濕河魚之疾奈何飲上游之清甌駒之病起矣

布宣上旨冀同挾纊之恩輔養天和寧畏折綿之凜

侯服剖符敢憚熏心之暑綸恩分寶載頌苦口之良

細書賜郡正臨大蜡之辰
上藥頒庭就賁中金之器
瞋眩用瘳
鬱陶有怙

加惠舊臣
賜金所以褒循吏愧治狀之幾如
寵華遠服
和藥所以活功臣慙勞能之無有

賜第宅

歷代事實更諸奘塏

左昭三年景公欲更晏子之宅曰
子之宅湫隘囂塵請更諸奘塏者

賜以壯麗

王孝恭本傳河間王孝恭平
江南賜第一區所居頗壯麗

為求勝地

唐馬周傳

帝求勝地為周創第周為御史時遣人以圖求宅衆皆
竊笑他日白有佳宅直三百萬周遽以聞詔有司給直

并奴婢什物
由是人乃悟

詔受大第

前高祖紀受列侯食邑者受大
第室三千石者徙之長安受小

第室注甲乙次
第故謂之第

請更晏子

見更諸

詔賜霍光

霍光傳宣
帝詔賜甲

第一區章
賢亦然

皇朝新事賞勸天下

種放隱林谷以講習為業學者多從之淳化五年太宗詔種放張齊

賢復條上放探請加旌賞以勸天下戎申放以幅巾入見崇政殿上與語詢以民政邊事放曰明王之治愛民而已賜緋衣象笏等物及御製五言詩及賜昭慶坊第一區加帳什物銀器以光寵之賜勵風俗

同上康定間高懌自號安業處士能屬文通經史百家之書與張憲許勃號南山三友寇準聞其名薦之辭不起景祐初范雍建京兆府學召懌講授諸生席間嘗數百人至是杜衍乞賜以處士號從之詔州縣當時禮遇給良田五百畝後文彥博言懌經術該感動義士紹聖

中葉

祖洽言於朝廷故相蔡確蒙朝廷牽復官職然所得恩數與平時輔相無異伏望聖慈加隆寵數使忠義之士

聞之感動詔特賜確宅一區

推賞將臣

仁宗朝狄青為將破儂智高秦捷詔賜狄青敦教坊第一

區四月青還朝置酒垂拱殿庚寅上御崇政殿令蕃落兵布陣如破賊之勢觀其馳逐擊刺以等第推賞之

前賢詩詞無地起樓臺

冠萊公詩有官居無地起樓臺

大芘賢士皆

懼顏

杜詩安得廣厦千萬間大芘賢士皆懼顏

潭潭府中居

韓詩一為公與相潭潭府中居

長安城中央

杜牧示姪阿宜詩舊第開朱門長安城中央

警聯

宣惟拜命之幬幪因且隆基於久大

乃寢乃興遂偃仰棲遲之樂既怡既憚無囂塵湫隘之虞

廣厦千間已免震凌之苦土階三尺尚存簡素之風

奉藩王室將從外郎之安築第神京遽拜大君之貺

夏屋渠渠每念滿盈之戒
小心翼翼誓堅忠孝之誠

豈期十札之頒
遽奉一區之賜

詔獎

歷代事實優詔褒美

本傳杜佑為通典
奏之優詔褒美

熟知起居

唐李靖本

傳五代孫彥若為鳳翔司錄事故藏高祖太宗賜靖詔
書數函上之一曰兵事節度皆付公吾不從中治也一
曰有晝夜視公疾太老嫗遣來吾欲熱知起居狀皆太
宗手墨也大畧如此文宗愛之不廢手權德輿嘗讀太
宗手詔至流涕曰有臣如此唐大亮傳太宗報書曰厥
君臣之際如是耶有臣如此朕亦何憂

功茂焉

漢元帝詔蕭望之曰望
之侍朕八年厥功茂焉

辭皆切直

李德裕傳上
丹宸六歲辭

皆切直帝敕韋處厚諄諄作詔厚謝

帝深嘉美

實融傳帝深嘉美之乃賜
以外屬國詔報云云又詔

曰吾與將軍任官不名李吉甫傳憲宗詔李吉甫東政如左右手矣

之官而拜傳甚寵後鄧禹傳拜禹為太傅尺詔拜球後

傳楊球為衛尉敕尚書令數函賜靖起見熟知加恩誠宜

晉王濬傳桓溫表曰崇德賞功政之所先建元治行尤

異前宣帝紀詔黃霸治褒德前武帝紀褒德錄賢五

能前東方朔傳褒有德錄賢能

皇朝新事顯忠尚德治跡統類元祐間詔賜富弼神道碑以顯忠尚德為額以其子紹廷

請故貴老優賢同上元祐二年八月詔賜文彥博呂公也著今後入朝凡有拜禮並宜特免卿宜

專有為之報畧無益之儀翰林蘇軾奏彥博公著免拜指揮自是朝廷貴老優賢越古今無可議者勉留

方正之士

同上元豐間司馬光以劄子乞辭免又乞外任陳州并請更張新法於是太皇太后遣中

使梁惟簡賜手詔勉留令供職曰嗣君年德未高吾當同處萬務所賴方正之士贊佐邦國切要與卿商量政事卿又嘉嘆忠義之臣同上元祐元年三月太皇太后何辭

彥博手詔曰予宮中閱故書得卿神宗時所尚親書章奏見卿議論切於治要至誠憂國忠義可見深用嘉嘆

稱賞奇才

同上神宗每當飲食或停箸看文字內人曰此蘇軾文字也神宗忽忽時稱賞曰奇才奇

才賜予異恩

元祐中詔賜御筵於呂公著第遣中使賜酒及禁中果實寶綬金花璫奇珍異十倍

常人以御飲器勸在席飲苦甚惟於呂公著頗寬予以異恩

警聯

選熊羆之士補異時三衛之靈
錄犬馬之勞為遠地羣工之勸

溫言來自於九重
明見殆周於萬里

人所助者信也實由文德之誕敷
臣何力之有焉徒愧恩言之重渥

況當未訖事之間叨紆郡組未聞襦袴之謠
而有不逾時之賞就遣使軺俯賁絲綸之寵

楚地之奇才劍客雖曰冠軍
漢兵之尺籍伍符僅能中率

報乏暮年之政宜即譴訶寵浮於私
賜均一札之書猥叨勞勉悖不自定

忽拜雲章之渥身速跡疎曲加存撫
曲形天語之褒祠叢旨密昭示眷懷

翰苑新書後集上卷十九

欽定四庫全書

翰苑新書後集上卷二十

賀表新式

登極

賀今上皇帝登寶位表

李梅亭

具位臣姓某言恭覲詔書皇帝陛下登寶位者佑下民
而作君仰膺帝命有大德而得位俯順人心重明既升
萬民咸覩華夷闡澤社稷奠安臣某實懼實忤頓首頓

首恭惟皇帝陛下睿哲生知緝熙丕顯南面讓者五道
允備於親賢西向遜者三躬難逃於歷數由剛健中正
純粹之首出致謳歌訟獄朝覲之皆歸臣昔忝禁塗今
拘謫籍天與則與知符文帝之大橫日新又新願誦成
王之小毖臣無任瞻天望聖激切屏營之至謹奉表陳
賀以聞

賀皇帝登極

真西山

炎正中興適際百年之盛真人繼作聿新萬宇之瞻河

海晏清璣衡明潤恭惟皇帝陛下天開睿哲神授英奇
朱邸宣猷已慰億兆人之望大橫應卜嗣承十三聖之
休祇適文謨仰承慈極紫宸南面時聆任如之徽音長
樂東朝日致閔曾之德孝以副遺大投艱之託以昭繼
志述事之功臣遯守介藩欣逢景運班聯近侍莫陪獸
舞之庭身接遐眎共仰龍飛之造

賀皇帝登極

陳質聰

歷數承堯禪千歲皇圖之正謳歌歸舜煥一時帝位之

新廟社鼎安寰區泰定竊以百年南渡四世中興繼體
守文之功固永扶於基緒撥亂反正之畧將浸復於土
疆人未占以有孚天不言而善應是生上聖以開重明
恭惟皇帝陛下性德靖淵幾神濬哲韜除外邸隱然天
日之姿出入內朝允矣宗祊之望共識五馬之渡誰知
六龍之潛迨此承祧決於與子合夷夏之無外慶帝王
之有真佇歌周宣復古之詩併擬元結齊天之頌含齒
之衆企足以頌臣猥守京畿欣逢御極風雲從而萬物

覩已丕聳於八垠日月照而四時行幸先輝於三輔

賀皇帝登極

王格齋

皇天佑宋游達揖遜之朝大人繼離益茂延鴻之業華
夷胥悅天人太和中賀恭惟皇帝陛下聖敬日躋聰明

時憲克勤克儉不矜夏禹之能乃聖乃神廣運唐堯之
德自毓元良之望允若神天之心屬黃屋之倦勤顧青
宮而與子臣鄰環拱率百官若帝之初典禮交修輯五
瑞如器乃復於皇聲實橫絕古今臣遠守偏州親見盛

美雖莫陪朝著對揚天子之休第嘉與邦人謳歌吾君
之子

賀今上皇帝登極

王松

歷數在躬嗣登大寶天人助順喜屬昌期十行之溫詔

初頒四海之歡聲允洽

中賀

恭惟皇帝陛下元良夙稟

仁孝彰聞付託得人膺慈皇之眷簡謳歌歸子罄遠俗
以皆徠聿觀萬化之新用侈累朝之慶臣適持漕節兼
攝郡符仰瞻北闕之班聯阻陪旅賀嘉與南閩之父老

顯望泰平

臨御

賀皇帝御正殿

方秋崖

天臨南面於赫當陽星拱北辰惟皇建極離麗於恭默
無為之後乾行於始初觀政之時中賀恭惟皇帝濬哲
睿明廣淵濟聖三年無改父道謙未處於法宮一德克
享天心渙已新於大號時乘龍御當宁虎門臣越在侯
藩瞻言帝座朝既盈矣勤勞願警於鷄鳴夜如何其歲

美莫陪於鸞臆

賀皇帝御正殿

洪平齋

闔闔之開皇道曠修日御之儀鈎陳之衛紫垣肇正辰
居之象萬邦星拱百辟雲從

中賀

恭惟皇帝陛下繼體

守文宅中圖大講朝元之典冊方重於建儲循大厯之
規禮將嚴於享帝適逢純吉首飭常居儼負宸以端臨
肅奉圭而入覲屹壯泰山之勢歡傳嵩嶽之呼臣心切
傾葵職縻分竹願借方寸之地莫遂就堯不違咫尺之

天惟知戴舜

賀皇帝御福寧殿

李梅亭

祕殿鼎新昭鴻名而日揭宸居離麗肅龍御以天臨風
來南面之薰星拱北辰之所中賀恭惟皇帝陛下體元
居正圖大宅中福庶民以是訓之彛寧萬國以惟和之
政盡力致孝既卑夏禹之宮修政攘夷復考宣王之室
棟取諸壯部轉而豐鸞聲既便於觀旂鶴駕仍通於問
寢誕敷文德聿觀舞羽於兩階載績武功式燕躋堂之

萬壽臣攝摩黔鄙馳夢清都四海為家更願綢繆於牖
戶萬民安宅益堅壯麗之山河

遜位

賀皇帝遜位

王格齋

恭默思道乃倦於勤付託得人亟授以政再見唐虞之
相繼力行曾閔之所難中賀恭惟皇帝陛下道塞堪輿
仁覃動植退藏於密蓋與天而為徒怵惕以興寧以位
而為樂世廓廓以無事功巍巍而不居遽興周康釋冕

之心且篤長樂問安之孝允恭克讓莫匪循堯惟一執
中復以命禹蔽自九重之志光於二典之書某出守偏
州獲聞盛典曾是隆興之進士敢忘藜藿向日之心願
祝聖人之遐齡少致犬馬戀軒之意

聖節

賀聖節

朱晦庵

黃屋非心茂對重明之運玉卮為壽聿臨載育之辰慶
洽中天歡騰廣域恭惟皇帝陛下至仁被世盛德在躬

立聖政九百五條行堯之道履帝位三十六載薦舜於
天得聖人時心至愉而形至佚為天子父貴無敵而富
無倫既申命之用休宜降年之有永臣欽逢盛旦假守
偏城即雲氣而望蓬萊阻陪拜手觀泰元之授神策徒
切傾心

賀聖節

朱晦庵

盛德當陽光啟重熙之運羣心就日樂推歸美之誠有
開繞電之祥敢罄祈天之禱恭惟皇帝陛下慶流有衍

德合无疆膺厯數以在躬垂衣裳而致治接黃帝推策
迎日之統以莫不增過周家定鼎卜年之期自今其始
臣承流支郡幸際昌辰鰲忤千官班阻趨於文石嵩呼
萬歲祝敢後於華封

賀聖節

史文昌

穹昊儲休光輔萬億年之祚聖神間世適符五百歲之
期藹佳氣於乾坤溢歡聲於朝野恭惟皇帝陛下河清
應運電繞降祥儉勤本於性資忠厚循乎家法福金洪

範符周后之歷年筭受泰元邁漢家之永世與天齊久
如日方升臣職守藩符籍通禁索曉望五雲之彩阻班
賀於西清夜占列宿之文喜輝騰於南極

賀聖節

方秋崖

惟天敷五正淵獻之孟陬聞嶽呼三增泰元之神筭星
樞明潤海宇清夷恭惟皇帝受命溥將躋民仁壽華夏
蠻貊罔不率登茲太平國家閒暇及是時所其無逸祥
開甲觀春在寅堦臣幸假熊馮嘗陪獸舞河千里一曲

雖遠京師亥二首六負但忻歲紀

賀聖節

方巨山

神授甲子五百歲而聖人生天閭昌辰萬斯年而景命
僕惟皇建極申命用休恭惟皇帝乃武乃文惟精惟一
內之中國外之夷狄訖是多盤言為尚書事為春秋動
無過舉於時假樂式際誕彌臣假守軍符瞻言宸扆唐
相上千秋錄莫陪嵩嶽之呼盧山有五老人共致華封
之祝

賀瑞慶聖節

危巽齋

數盈良月正天地之清明瑞紀流虹極山河而輝映臣
工忭舞海表歡呼恭惟皇帝心廣慈仁化行恭儉光啟
重離之運慶申初度之辰克全堯舜之聰明相傳一道
將復文武之境土紹開中興臣再拜皇華恭逢誕節五
雲影轉望切近於蓬萊萬歲聲傳祝實同於嵩嶽

賀天基節

李梅亭

正月始和觀象越二三之日皇天眷命飛龍乘九五之

時百祿是宜四方來賀恭惟皇帝聰明淵懿篤實輝光
體乾之元首庶物而寧萬國乘震以出轉一氣而開八
荒瑞夙應於虹流歷誕增於鳳紀臣仰瞻北極遙頌南
山蜀道青天身況居於蜀檄華陽墨水祝請效於華封

賀天基節

劉後村

祝堯觀華甲辰式衍於萬齡自周至豐乙未肇迎於六
日虹流紀慶鰲忭均歡恭惟皇帝徽柔懿恭發強剛毅
新三十一年之政符世祖之清明受千八百國之朝彰

武王之繼述誕彌厥月長發其祥臣輓粟罔功采荼非
據不俟駕固將朝也尚留西海之濱能歸美以報上焉
竊謂南山之雅

賀天基節

李梅亭

虞帝生於甲子衍鼎盛之春秋周伯見於丙丁麗離明
之日月俶開牖晏肇聽蒿呼中賀恭惟皇帝陛下聖神
武文剛健篤實五百慶千秋之節博觀金鑑之篇三朝
受四海之圖始御玉觴之享混九州而共貫鉞五福以

誕敷臣將指雪邊傾心日表祠鷄蜀道粗知蜀父老之
情歸馬華山尤切華封人之祝

賀天基節

方烏山

龍尾伏辰當良月肅清霜之後虹祥流渚適真人下丹
極之期鼎祚山安衢謠海溢中賀恭惟皇帝陛下澤覃

萬宇統接千齡納物象於熙和含生豐泰成治功於簡
易取法乾坤日升月恒風行雷動寅畏自度於昭享國
之祥靜樂難名益見為仁之壽臣拱瞻極北留繫周南

豹尾雲垂第馳神於漢殿虎藟霞泛等祝筭於華封

賀重明節

黃竹坡

九月肅霜誕紀生商之節四方來賀同傾戴舜之心介
景福以維新標昌期於無極山川薦瑞夷夏均歡

中賀

恭惟皇帝陛下歷數在躬聰明時憲恩覃萬宇躋仁壽
以無遺守在四夷戢干戈而不殺德既侔於天地壽自
等於山河迨茲誕日之臨茂權天休之至臣親逢盛旦
阻守偏州捧漢殿之觴莫陪近列上堯封之祝徒有遐

心

賀重明節

王格齋

占長發之祥具曉天休申命之意授泰元之策殆非人
力所致之符實時載夙之辰對越無疆之慶恭惟陛下
聰明天縱聖敬日躋受漢嶽之三呼荅揚景命斂箕疇
之五福敷錫庶民矧時慈闈並受遐祉我百爾九十何
童夢齡之期心一臣三千同致後天之祝照臨所暨忭
蹈攸同臣身隨江湖名在簪橐望蓬萊之雲氣雖莫陪

鴛鴦之班奉瑄玉於竹宮幸獲祝乾坤之筭

冊后

賀冊皇后

李梅亭

上聖盡倫懋建生民之極中闡正位益隆王化之基冊
命惟新輿情胥慶臣竊以易十八變上乾坤而下咸恒
詩三百篇經夫婦以成孝敬合由天作治自家齊中賀
恭惟皇帝陛下時敏身修日嚴親養爰及姜女思幽七
月之艱難娶于塗山續禹八年之勤儉式涓穀旦肇正

璇宮湏承堯母之顏降于媯汭茲考宣王之室因是謝
人邦之榮懷民以寧一臣傾心葵日屬耳椒風乏曹植
之材安敢獻母儀之頌考張華之作但知誦帝則之歌
皇太后同聽政

賀皇后

趙南塘

膺乾符而迪畏方繹睿思隆坤極以仰成益彰聖孝令
修庭戶澤暢垓埏竊以昔賢君之履帝圖躬要道以順
天下西京如文景武東都若明章和莫不歸尊內朝取

決初政恭惟皇帝陛下哲聰養晦兢業致虔追先皇之
鉅恩欲報罔極稟太母之誠訓未占有孚左右率從小
大允若所謂敬其親則萬人悅仁於家而一國興言舉
斯心治指諸掌臣冒乘駟傳阻造龍墀不獲望穆穆薦
羞之容廁蹌蹌蹈舞之列瞻企誦躍倍越等倫

賀冊皇后代皇弟

陳竇牕

渙號楓宸進賢椒掖儼若長秋之正位翕然廣廈之歡
聲恭惟皇帝陛下道妙無倫治崇有本化行宮壺固欲

形王者之風養備庭闈又將教天下之孝爰及希年之
稱慶乃涓穀旦以升華仰奉親歡俯垂民極臣分光宗
翰聽命治朝喜日月之齊明祝乾坤之並壽

賀冊皇后

傅伯壽

離日麗天休益繇於寶祚軒星著象位宜正於璿宮大
冊渙揚羣情欣忭恭惟皇帝陛下懋昭聖德克謹化源
念宵旰憂勤妙幹萬幾之務而夙夜警戒實闕中壺之
賢爰登天作之良用即坤承之重新二南之風教揭四

海之儀刑臣假守潛藩欽聞盛典以婦道率下既追美於葛覃願聖人多男尚伸虔於華祝

冊妃

賀皇帝冊妃代皇帝弟

陳篋牕

帝庭讀冊妃掖陞華家治孔彰邦圖申固恭惟皇帝陛下恩由親始德自近推肇風化於寰區人倫丕正儼儀刑於宮壺嬪則具修爰遵慈訓之嚴用陟鴻名之貴佐日之照普天所瞻臣夙忝近宗幸逢盛事知陰教之漸

達賀陽德之愈亨

誕皇子

賀皇帝誕皇子

趙南塘

太簇發春適叶泰通之運高襟享德誕開震索之祥告
語自天謹謠載路

中賀

臣聞君子永祚闕寶命之睠懷

聖人多男出輿情之頌望厥占惟舊乃應在今恭惟皇
帝陛下與道合冲以仁為準膏澤浹乎黎庶其和可知
馨香感於神明何福不降肆丕釐於女士果篤慶於王

家靈源滋長磐石增固臣比修庾職近攝刑臺既駿奔
有百執事之分故旅賀不一書而足

賀皇帝誕皇子

王格齋

穹祇隤祉將延洪過歷之占弓韞應祈庸對越承祧之
任事闕九廟懽動四方

中賀

恭惟皇帝陛下靈承天心

駿惠祖武民胥嘉靖皆效華封之祝堯神無怨恫靡俟
高禔之祠漢篤生元子式應熙辰某不謂凋年見此遐
福身雖老矣子孫與有於縈懷心實忻然手足不知其

舞蹈

賀皇帝誕皇子

李梅亭

斗揭柄於子躔式對履長之慶星重暉於甲觀肇開震
索之祥社稷安榮華夷聞懌臣竊以封人祝華願惟在
於多男帝子生商命誕膺於百祿矧春秋鼎盛之際重
日月離麗之明有道之長無思不服中賀恭惟皇帝陛

下孝型四海仁育羣生怡怡愉愉愛敬盡九重之養詵
詵蟄蟄治安隆千歲之基斯千詠朱芾之宜長樂增綵

衣之喜臣濫紆郡紱阻綴庭紳歌本支百世之詩知不
遺於周士獻父母萬年之頌尚竊附於唐人

賀皇帝誕皇子

周山房

重明繼照聿開有永之期一索得男肇啓無疆之慶華
夷蒙福臣庶交欣

中賀

臣聞葛藟施于條枚固關於迓

續世嫡主乎匕鬯尤切於繼承矧當春秋鼎盛之時誕
降岐嶷夙成之器恭惟皇帝陛下迪用吉康寶行慈儉
事上帝而不大聲色惠宗工而時罔怨恫既安樂於神

祇宜申錫於祚嗣臣魚符出守獸舞無階恭聞玉葉之
敷彌覺葵心之嚮才非方朔重陳禱祀之文志切華封
三上聖人之祝

賀皇帝誕皇子

代兩國

陳竇牕

席慶燕禕鍾祥熊夢宗祊盛事海宇歡聲

中賀

恭惟皇

帝陛下宏紹平基繹宣洪業乾而稱父甫踰御極之五
年震以得男適近書雲之一日瑞氣既浮於宮壺慈顏
足稱於慶闈臣幸際殊恩恭被盛美願嗣穆穆皇皇之

詠且賡繩繩蟄蟄之詩

建儲

賀皇帝冊皇子

王格齋

春宮貳極有開震索之祥寶冊揚庭庸鼓異申之號慶
闕九廟風動四方皇帝陛下堯大難名舜恭允塞天職
覆地職載莫喻休功月重輪星重暉益圖大計眷乃承
祧之重居無在傳之勤爰涓筮於剛辰俾光膺於殊禮
臨軒出令示一人有慶之符主鬯得人兆萬世無疆之

福照臨所迨頌詠惟均臣昔參綺皓之游今辱嚴除之
侍靈源暨遠子孫與有於榮懷忤惻發中手足不知其
舞蹈

賀皇帝冊太子

應松湖

慶鍾烈祖仁賢見十世之孫本立皇家宗社衍萬年之
緒侈盛儀於朱芾渙新渥於綠綈皇帝陛下祇適燕謀
增光鴻烈以長子主器受之震所繫匪輕為天下得人
謂之仁維公是選懋揀金枝之秀誕颺玉冊之華攷禮

訂名固已遵嘉祐紹興之令典問安視膳益同講建隆
開寶之閱規臣邈戍荒陬聳傳盛事歌樂府重輪之日
幸託照臨奉玉闕都護之觴莫陪朴蹈

賀皇帝冊皇子

應松湖

璿源毓慶獨超百世之本交寶冊賜輝遵奏兩朝之典
憲消辰見廟主鬯承祧皇帝陛下智臨作君純乾為父
志厯業業用申天命之休禮重親親尤為人道之極上
以尊祖而親族下以固本而寧邦左右前後皆正人教

已嚴於資善賢聖仁孝聞天下位即峻於承華臣忝庶
邦之侯莫陪扈蹈誦吾君之子徒劇謳歌

郊祀

賀郊祀禮成

李梅亭

靈承上帝拜況于郊敷錫厥民並受其福備成熙事薰
叶嘉生中賀恭惟皇帝陛下翼翼小心顯顯令德氣和

感天地之應百穀用成兵寢極帝王之功四方無侮肇
稱濶典誕舉吉儀泰時八觚肅圓丘而歲事細書一札

撫方夏以湛恩臣濫守麾符阻趨邊豆共給楚貢粗慙
縮酒之茅造託湘流莫對受釐之席

賀郊祀禮成

王格齋

嚴恭自度罄丹宸之純誠縕豫為紛輯紫壇之熙事四
方來賀萬福攸同叶氣塞乎堪輿歡聲搖乎海岳皇帝
陛下聰明時憲聖敬日躋肇親萬化之原敷錫庶民之
福外烽息警人皆耒耜之暇秋稼登場家有倉箱之積
載念降康之自聿嚴報本之祠多士駿奔贊丕天之鉅

典千童羅舞陳昭代之彌文咸秩百神大賚四海臣久
違北闕隔在西陲消遙休成幸獲再逢於盛際肅雖顯
相莫繇一覩於祲容第偕扶杖之民同沐漏泉之澤

明堂

賀明堂禮成

牟存齋

天子接千歲之統誕受丕基明堂度九尺之筵備成熙
事下民祇若上帝時歆中賀恭惟皇帝陛下受命溥將
承謨丕顯因五福之照大享崑崙得萬國之歡何虞儼

猶輯我將之伊嘏立爾極於烝民臣尚執干戈阻趨籩豆雖縻無疆之德莫陪多士之聯

賀明堂禮成

李梅亭

至治馨香備成熙事湛恩汪濊敷錫庶民上下統和華夷閭閻中賀恭惟皇帝陛下治民祇懼受命溥將鑒天明地察之嚴屢修美報思祖功宗德之大尤謹精禋肆因萬寶之成肇舉九筵之典高靈下墮和氣上騰臣久遠闕庭莫奔籩豆落霞秋水負縻刺史之左符廣樂鈞

天夢繞總章之右介

賀明堂禮成

方秋崖

大享季秋修伊嘏我將之典陳常時夏絕此疆爾界之
分萬國歡心三靈響答臣竊以物本天人本祖夙嚴昭
配之裡聖饗帝孝饗親必具馨香之德不惟四海以職
來祭亦有五原奉珍願臣以此歲八陛之祠茲實為千
載之遇中賀恭惟皇帝陛下嚴恭寅畏齊聖廣淵萬物
盛多慕成康致治之美十年教訓圖高文宿憤之據時

靡有爭無思不服遠懷蓋基於近悅神福殆出於人和
臣舊綴駿奔今司侯牧多士濟濟遙瞻清廟之肅雖征
夫詵詵惟謹皇華之咨度

賀明堂禮成

李梅亭

垂拱南面夙陶萬國之驩平秩西成載歲九筵之享下
民祗若上帝時歆臣竊觀洛誥稱秩元祀之文實維成
周誕保七年之日思文后稷既歌爾極之詩伊嘏文王
復舉我將之典乃今異世與古同符

中賀

恭惟皇帝陛

下濬哲文明嚴恭寅畏寬裕足有容也坐澄滄海之波
神武而不殺夫潛息潢池之警肆合祛於路寢用均福
於寰區臣濫守封疆阻趨蓬豆總章衢室諒益盡天下
之心夜郎牂牁亦知教諸侯之孝

賀明堂禮成

劉後村

中辛消吉聿崇三歲之禋上帝享成丕擁一人之慶乾
坤昭貺宇縣歡騰

中賀

恭惟皇帝陛下治極守成禮嚴

報本調元布政尚存黃帝之規嚴父配天肆舉周人之

典精誠格於穹壤叶氣徧於幅員臣分閭攸拘侍祠伊
阻前宣室之席絕企清光扈甘泉之車猶存昨夢

肆赦

賀肆赦

王格齋

歷數在躬僕萬年之景命雷雨作解洽四表之歡心凡
蒙一洗之恩皆圉重熙之化

中賀

恭惟皇帝陛下聖由

天縱德乃日新毓德春宮恪謹文王之視膳非心黃屋
適逢虞舜之倦勤勉承不再之言嗣守無疆之歷眺茲

有衆孰非壽皇所養之民咸與為春俾沐嗣聖惟新之澤爰推曠蕩之典以答遐邇之心恢然天地之施生鼓以風雷之號令臣叨守下郡與宣宏恩躬遇繼離之明不私臨照喜偕扶杖之老相與謳歌

賀肆赦

王格齋

歲儀吉土敬共三歲之祠肆青端門敷錫庶民之福渙發風雷之號沛為雨露之仁凡在照臨舉同慶賴竊攷聖人之饗帝盖承天意以惠民隕祉發祥具獲靈明之

博貺赦過宥罪是覃汪濊之湛恩恭惟皇帝陛下道冒
堪輿恩柔動植邊鄙不聳皆為來王來享之人年穀順
成復見多黍多稌之世爰對一陽之律載祗八陛之壇
昭升于天津嚴熙事有秩斯祐燕及函生臣墮在遠方
獲逢盛舉莫陪多士執邊豆以駿奔第與遠民想笙鏞
而獸舞

玉璽

賀玉璽

趙南塘

明王謹德來異域之貢珍博士辯文審先朝之藏璽九

賓咸慶百辟交歡

中賀

臣聞三獻俘而商受球五時郊

而漢薦璧固天休之是荷亦人力之可營未有大呂陳
於元英弗煩兵取遺珠得於赤水靡待使求綽然雲物
之迓初出諸遠夷之效順如今初見實古鮮倫茲蓋恭
遇皇帝陛下誕保民彝丕承祖烈忠誠盛乎內未嘗貴
貨而尚功干戈省厥躬所務尊賢而隆禮故乾位深居
於宸極而坤珍昭受於歲端玉檢金泥菟祥符之令典

龍車鳳翥侈紹聖之龐恩觀申命之又新披故都之遙
復臣職縻藩邸夢繞觚稜舞干羽于階雖阻對揚於景
鑠卻走馬以冀更祈追蹟於淳風

賀玉璽

代任參

趙南塘

天道左旋炎圖復振皇威北暢珍物遙歸元正會朝普
率呼抃中賀伏以海嶽所產惟玉稟陽宗廟之傳以璽
守位元帝得之興晉祚光武因之洪漢京恭惟皇帝陞
下席累聖之休受一謙之益以時和歲豐為上瑞以兵

寢刑措為極功田租弛民羣生莫不安業皮幣事敵遠
國亦且懷仁故弗賓之海隅皆願屬於疆吏函封遠致
不知何國之白環篆刻孔彰咸曰寧王之大寶故府之
藏既入神州之復可知臣病解樞機勉之藩服觴稱萬
壽自憐遂隔於慶儀品列三金猶幸獲共於貢職

改元

賀改元

鄭雪巖

纂圖撫運應義文九五之占渙號紀年體麟筆一元之

意布宣無外鼓舞惟均恭惟皇帝陛下光紹燕謀丕膺
鴻業謂持盈守成之責雖率舊章而視始正本之規實
觀新政深惟累朝履位之寶一本三代立國之仁慶積
自身福覃於下合二者之古訓標萬紀之徽稱重定乾
坤復開宇宙臣猥叨三輔首拜十行序叶璿璣已見九
重之居正名垂玉歷更同庶國之承休

賀改元

戴象麓

繼體纂圖大千齡之接統改元紀事示萬宇之同文綸

綽誕膺華夷胥慶

中賀

恭惟皇帝陛下聰明天縱仁孝

生知惟問安親得於大原故紀歲亦師於成憲于疆于
理念紹興恢復之難浸明浸昌繼淳熙隆平之治集茲
二美用紀初元臣跡繫龍川神馳象魏莫預在廷之列
徒傾拱北之心遠暨朔南一渾中和之教近占名數聿
符億萬之年

賀端平改元

李梅亭

政出九重丕承二祖之烈數周六十肇新萬物之元天

開休命之申日永宣光之甲中賀恭惟皇帝陛下緝熙
正學總攬大權涵育羣生務文景養民之政導迎和氣
出禹湯罪己之言思端拱信服於西戎及咸平威伸於
北狄魚魚雅雅享有道之長蟄蟄繩繩行多男之慶哀
兩朝之美號開萬世之丕圖臣濫綴使軺虔宣宸綽審
已正統更願法五始之春秋改定告元行見襲百蠻於
冠帶

元會

賀元會

李梅亭

元會藏儀仗入龍樓之曉孟陬占象歷新鳳紀之編夷
夏來同堪輿協慶中賀恭惟皇帝陛下乘乾之健出震
而亨孝備愛欽浹三宮之和氣書頒寬大轉四海之仁
風於萬斯年自今以始臣久違班著俶布藩條春見曰
朝徒想北辰之拱閨餘成歲敢稽東作之平

元正

賀元正

王耀軒

春王正月肇稱獻歲之儀天子萬年增衍泰元之策永膺多福敷錫庶民中賀恭惟皇帝陛下道體泰亨德儀震動太歲在酉民益富於酒漿休命用申化愈張於琴瑟嘉與林林之衆茂臻嘒嘒之祺臣承惠守藩馳心戀闕讀離騷賦既逢湘水之孟陬奉寬大書願布楚鄉之農事

賀元正

方秋崖

春王三朝撫五辰於庶績天子萬壽轉一氣於八荒膏

智有臨陰陽交泰中賀恭惟皇帝陛下剛健篤實徽柔

懿恭受命惟七年光已宣於文武班瑞于羣后和將在
於唐虞與物為春體元以長臣濫乘一障甫至三榮明
目達聰但遙想獸樽之酌舉首奮翼無因陪鳧舄之朝

賀元正

魏鶴山

重光之配單闕歲旅哲王攝提之正孟陬月臨簇達履
端於始長發其祥中賀恭惟皇帝陛下天縱聰明日新

剛健纂堯之緒嚴義仲分命之咨行夏之時成伯禹八

年之烈甄陶萬化域壻八荒臣叨守魚鳧阻班燕賀三
里之城七里之郭幸畢土功五畝之桑百畝之田當劬
農事

賀元正

李梅亭

歲在闕逢三日先甲律中太簇萬物出寅茲惟行夏之
時孰非就堯之日中賀恭惟皇帝陛下湛恩汪濊受命
溥將三光全寒暑平愈加寅畏五穀熟人民有益厚撫
摩玉衡占七政之齊木鐸謹百官之徇履端於始受祿

于天臣承惠守藩馳心望闕孟春之月為端月有開皇
道之端長沙之星曰壽星請祝聖人之壽

賀元正

趙南塘

正月始和著於甲令三朝大會盛在寅杓惟聖憲天如
春澤物

中賀

恭惟皇帝陛下儲神蠖濩受命穆清并鉞

參旗戢師干而不試箕風畢雨被豐澤以惟均肇乘蒼
陸之規增受紫壇之策臣望京浸遠戀闕滋深周衛設
九賓之臚莫陪下列甘泉受羣吏之計惟詠昌期

賀元正

代皇帝

陳寶璽

鳳曆歸餘已兩逢於紀閏龍躔更始且六際於頒春帝
德誕敷民和不應中賀恭惟皇帝陛下體元居正圖大
宅中天地交而萬物通時方叶泰風雨時而百姓足歲
復屢豐屬臨祈穀之佳辰仍叶獻椒之盛旦如山如阜
無古無今臣幸忝宗祊與朝閭闔一陽熊夢已蚤占男
子之祥五日虹流但預祝聖人之壽

冬至

賀冬至

劉後村

昴星正冬式敬堯時之授辛日書至允符魯觀之占凡
居有截之區均效無疆之祝中賀恭惟皇帝陛下剛健
中正濬哲文明受六年五服之朝惟新厥德對七日一
陽之復長發其祥嘉與函生同躋壽域臣濫分菟竹越
在蠶叢嶰谷地寒詎望葭莩之動夜郎溪暖惟知葵藿
之傾

賀冬至

李梅亭

七年而得攝提契元封之至日八能之合前殿闡大極
之治朝睿智有臨福祿來萃

中賀

恭惟皇帝陛下聰明

淵懿剛健粹精問寢龍樓謹冬溫之定省疏恩鳳檢廣
春育之涵濡迎神策於泰元薰嘉生之叶氣臣宅西乘
障拱北傾心自顧孤桐難旅周官之琴瑟幸舒一線當
圖蜀郡之袴襦

賀冬至

代潭帥

真西山

義觀天象驗至日於地雷堯授人時正仲冬於星昴叶

時五紀慶集一人 中賀 恭惟皇帝陛下固結民心延洪

帝命推策二十載肇迎寶鼎之祥卜世八百年長進雲
門之奏一陽來復萬壽無疆臣承惠守藩馳神呼嶽長
沙地濕氣敢望於吹葭化國日長心但同於傾藿

賀冬至 代皇弟

陳竄牕

璿杓挿子復初見於天心玉厯標冬觀首書於雲物歡
騰四表慶輯九重 中賀 恭惟皇帝陛下發育功深裁成

道妙御圖六稔久迎化日之舒長課歷萬年又兆陽春

之駘蕩屬唐宮之添線稱舜殿之垂裳不老乾坤無窮
宇宙臣叨陪近屬欣際大君喜溢漢觴共仰龍顏之粹
穆福絲周鼎庶同麟趾之阜安

祥瑞

賀雪

黃竹坡

同雲蔽野甫占寒氣之升浮玉飛英爰表豐年之瑞事
闕扈正喜徹龍顏中賀恭惟皇帝陛下綏靖嘉師彌綸
神化潛天而天潛地而地罔間幽深曰雨而雨曰暘而

暘同施闔闢時屬三冬之序祥開六出之靈委積徘徊
凝寶光於鵷鵲氛氲散漫接雲氣於蓬萊祛癘疾於崇
朝啓豐穰於嗣歲雖均覆幬實賴裁成臣等俯愧變調
勉圖報稱列賢才於庶位無畫臥洛陽之人激士氣於
三軍有夜入蔡州之志

奏捷

賀叔北土

趙南塘

一旅棲虞久鬱復讐之志偏師克蔡倏收殘寇之功河

嶽謚清雷風驩動

中賀

竊惟啓之勦扈氏盡召六卿武

之逐匈奴親率萬騎矧肅慎之遺裔自靖康而積仇馮
恃兩河繇跨累世塗炭我黔庶捲我衣冠氣奪上靈
勢徧中土苟知懷忠抱義孰不殞身痛心以為何時得
殄此賊而今乃貔虎弗煩於顯討鯨鯢坐却於嚴誅五
旬而併舉燕城一月而三獻戎捷其剪暴除亂如拉枯
拾遺篋無前儔可謂大慶方厥根橫長百年芟夷之弗
能及其焰將消一日撲滅而已盡繫惟天助顧豈人謀

此蓋恭遇皇帝陛下英畧通神仁聲懷遠御得其道能
令夷貊之率從告成厥功遂刷高文之宿憤方將紫蓋
備太常之駕絳衣陳司隸之儀趣先修奉於洛陽雜耕
於渭上中興丕緒允屬昌期臣等汗馬靡勞雲龍何幸
受命而拜萬壽既式辟於漢疆移軍而復兩京尚繼刊
於浯頌

賀蜀道誅賊吳曦

黃竹坡

邊臣負固敢萌僭叛之心聖筭伐謀亟正誅夷之典方

檄書於巴蜀已函首於京師天理昭明人心聞豫中賀
竊以乾坤設位定尊卑而不易春秋立法馭臣子以至
嚴倘懷獠獍之凶難逭鯨鯢之戮蓋神人之共憤抑覆
載之不容蠢爾逆曦敢萌亂畧惟爵賞之異數既封殖
于爾家載於旂常具紀前人之烈畀之節鉞爰及不肖
之孤金帛子女充牣其庭山川土田畝章爾宇曾無寸
效少答殊恩乃包藏其禍心欲跳梁於井幹舉關內喉
襟之地剪為盜區強漢中冠帶之民悉令胡服犯天下

之大戒此人情之必誅剖貪憚之豕心聊快三軍之怒
獻突梯之鼠首各陳一體之功復見官儀來告宗廟恭
惟皇帝陛下修攘御宇勤儉守邦臨民忠嘉所謂父生
而師教流澤汪濊是誠春育而海涵惟茲昏迷自冒典
憲既正藁街之罪坐令棧道之安外攝蠻夷內懲姦慝
臣等叨居邇列莫贊明謨第忻僭亂之平行見規恢之
復隗囂既敗知建武之中興劉闢成禽頌元和之聖德

賀誅吳曦

危吳齋

河山有誓敢爾負恩天地不容竟茲授首人神憤雪海
宇歡同恭惟皇帝紹開中興布宣聖武三軍協力事方
急於規恢一夫當關志乃謀於竊據公連遠域欲悖太
陽以所守匪親而化為豺狼謂無天道見無禮於君而
誅如鳥雀寧變人心不勞尺兵遂膏膺斧平劉闢於蜀
本元和聖德之明除子璋於綿豈成都猛將之力臣叨
聯近屬假守神華自謂露布之馳不知履齒之折大開
明堂之朝賀深慰清廟之宣揚

恢復

代宣司賀復泗州

應松湖

十乘啓行誕播順天之罰一城得雋首歸輿地之圖壯
士氣於前茅憚皇靈於破竹山河開闢夷夏歡呼竊惟
大義之鼓行尤貴先聲之響應漢數百戰由下沛以迎
降湯十一征蓋自葛而始載矧泗水之名郡本都梁之
故城雞犬相聞久渴旱霓之望豺狼肆噬可稽時雨之
師肆蹇幟以先登果倒戈而效順民皆安堵市不易廛

破淮北之藩籬諸道並進扼山東之門戶萬里長驅陸
下默運神機於昭聖武過師枕席之上救民水火之中
曰倭后后來蘇爭持牛酒有不戰戰必勝行洗甲兵臣
肅奉廟謨董司戎律鋪淮瀆而徹境土已觀因壘之降
伐徽仇以奏膚功竚見犁庭之舉

翰苑新書後集上卷二十

欽定四庫全書

子部

翰苑新書後集上卷二十一至

四

詳校官中書_臣康綸鈞

主事_臣祁韻士覆勘

總校官知縣_臣楊懋珩

校對官中書_臣邱桂山

謄錄監生_臣唐 澐

欽定四庫全書

翰苑新書後集上卷二十一

賀表

太上皇帝

賀太上皇天申節

孫養晦

道妙先天參元功於太極祥開繞電蟠喜氣於大廷合
有衆之歡心贊無疆之盛福

中賀

恭惟陛下躬持慈寶

默運化樞巍乎其成復大業於艱難之始為而不有授

丕圖於揖遜之間神明默相其壽康品彙莫名其造化
天休昭受既開與九之齡月吉誕彌咸致呼三之祝臣
身縻持節心切望雲萬壽稱觴莫綴班聯之近八荒開
域願同仁壽之躋

賀太上皇天申節

周山房

虹渚夕流駟星朝見三宮萃聚重開鳳紀之編九牧葵
傾幸見河清之會中賀恭惟太上皇帝倦勤授禹允哲
如堯裕後承先已畢聖人之事凝神御氣方從造物者

遊春秋當與於天齊甲子豈容於數計臣州麾出守廷
賀無因望綵仗於雲霄遐想龍樓之盛誦岡陵於天保
莫伸虎拜之誠

賀太上皇天申節

周山房

星流虹渚彌月不遲寢問龍樓與天齊壽瑤圖增羨函
夏均懽中賀恭惟太上皇帝非心黃屋如脫屣而去之
置之未央今為父乃貴爾屬鳳紀誕彌之節乃麟書大
有之年魚鑰繞通擁三宮之瑤佩露囊來獻映雙掌之

金莖如日之升自今以始臣分符乘障率舞無階望日
下之鴻鸞莫陪柏宴指雲間之冥翼願祝椿齡

重明節賀太上皇

王格齋

心一臣三千願紀嘉名於盛際我百爾九十蓋申景命
於前規時哉索震之辰展也繼離之義陛下循堯立極
蹈舜倦勤綏眉壽而及皇天克昌厥後貽孫謀而燕翼
子無疆惟休迨聿崇虹渚之符茲益見龍樓之慶臣與
聞盛典邈在外康錄千秋於九齡之書曾未有金鑑之

作呼萬歲於兩儀之宴會當見頡利之擒

慶壽

賀太上皇壽七十

孫養晦

皇圖授聖綿寶歷於萬年帝夢與齡開壽編於七袞修
熙朝之盛事溢萬宇之歡聲臣聞有永降年自天祈命
大德必壽從古而然千二百歲而不衰蓋修身之有道
百二十刻以為度徒增漏以為期於皇上聖之臨度越
前王之懿授神器於雍熙之日心懷脫屣之高備至養

於康強之時年及縱心之適非祈禱而徑躋於上壽不
導引而自籍於長生亘古未聞於今創見恭惟陛下誠
參化育道妙希夷為天下得人盡付謳歌之啓與造物
為有將猶陶鑄於堯在天心眷顧以方隆致睿算增崇
而未已演二首六身之數仰符基命之辰會三統九章
之元將衍後天之莫恩綸新至孝治有光臣持節南州
馳神北闕稱觴漢殿身雖遠於鴈行祝壽堯封心敢忘
於虎拜

賀太上皇壽七十

胡銓

人生七十符古來稀有之年威儀三千舉曠世絕無之
典神天薦祉家國均休恭惟太上皇帝妙契放勳道齊
穹昊行仁以德蓋一本於性成偃武修文更兩全於經
緯嚮用五福敷錫庶民臣叨祿殊庭希蹤文陛一人有
慶遙瞻北闕之尊萬壽無疆願效南山之祝

上尊號

賀太上皇德壽宮尊號

孫逢吉

皇圖天覆體妙道於法宮聖孝日嚴播徽稱於顯冊慶
繇宗社榮被縉紳臣聞乾坤覆育之仁盡萬物而莫報
帝王傳授之懿曠百世而乃逢仰惟嗣聖之隆方申達
孝之養為天子父乃知貴禮越常尊使聖人壽而曰辭
義當懇請盡潤色討論之美極鋪張揚厲之休舉此曠
儀肇於今日恭惟太上皇帝陛下道心精一德祚靈長
觀萬化於混元之宮措一世於華胥之國大器有託增
隆丕圖成功不居斯享上壽屬欽宗於大報用虔紀於

鴻名曰放勲曰重華視若稽而與並于濮鈞于祝栗極
惟冒以丕單典禮載崇休符有赫臣叨分魚契切仰龍
墀頌唐宗二聖之歡揄揚美報接漢家千歲之統鼓舞
升平

誕皇孫

賀太上皇帝

周山房

尊歸於父超居太極之先子又生孫燕及後昆之裕華
夷闔澤宗社奠安

中賀

臣聞統正者系必隆德盛者流

斯遠繇施澤及民之已久故儲休錫美之無窮尊號皇帝在宥六替脫屣大寶貽謀之永無愧於豐芑受祉之多陰施於條枚既濬茂於慶源遂繇延於繼緒臣假守一障受恩三朝逖聞駟騎之吉音遐想龍樓之喜氣商孫其麗願歌萬億之詩堯壽獨高更上八千之祝

賀太上皇帝

王格齋

聖人退藏於密決焉與子之謀上帝申命用休昨以抱孫之喜人胥相慶情不自勝陛下文顯丕謨湯垂後裕

魏魏蕩蕩自晦則天之功名穆穆皇皇誕啓宜君之孫
子篤生岐嶷之質益固延洪之基永享邦休顯有祖烈
臣官縻荷橐職在祝釐無疆惟休豈但為熙朝之賀丕
顯亦世又以假後裔之靈

賀太上皇帝

趙南塘

皇穹錫祚帝子生孫涓日告祥溥天賴慶中賀臣聞半
圭朱芾夢占最吉者男甲觀畫堂眷愛莫隆乎祖非迪
休而純佑曷施祉於延洪恭惟皇帝陛下澤及胎蘤仁

漸苞體薰太和以消羣慝昭懋德而裕後昆盤石建宗
九廟之靈既格椒條蕃實重闈之喜可知臣託附公微
遭逢熙盛雖原隰四驪之駕何敢遐心廼本支百世之
傳惟深善頌

賀太上皇后太皇后皇太后表式

皇帝登極

賀太皇后

王格齋

堯父舜子增光虞典之書文德武功推本思齊之聖允

極敷天之養式彰文母之尊歡聲所覃薄海如一皇太后仰承宸極俯盡坤儀寶老氏之儉慈率先九御流闕睢之風化追配二南當上聖之倦勤挈洪圖而與子地無私載顧豈以九州四海而自居天有常親將俾之萬有千歲而未艾此舉之懿古人所無臣屬守郡符與聞盛事亦老吾老以陶錫類之風匪今斯今長致後天之祝

賀皇太后

趙南塘

乾旋坤轉大策定於禁中山高日昇重明照乎天下萬
邦改觀百辟承風中賀恭惟皇太后陛下德為聖人功
施冲子再拜壓紐陰獨察其休符五色補天衆莫窺其
妙用決幾於眇繇之頃運化於垓北之間神器不搖景
命有僕臣叨官舊服幸際新朝制房闈而晏然已仰政
權之重載旌旗而祇見方觀孝治之隆

賀皇太后

陳寶牕

母儀四海共瞻坤極之崇躬御九重兼領乾剛之斷陞

闡增重宗社延休惟我朝履位之盛時有慈宸垂簾之
故事章獻在禧聖之際德望懿純宣仁居豐祐之間治
稱超絕惟百年之久曠今日以重光恭惟皇太后陛下
儷美中興宅心內治如天之運定拊御於六龍挾日
以升並照臨於萬象茲被徽名之赫寶持大化之元豈
惟侈千秋椒掖之榮抑以繇萬世蘿圖之盛臣神京假
守聖世親逢嗣大妣之音已見周邦之喜稱長樂之制
更觀漢室之隆

皇帝臨御

賀皇太后

方秋崖

天子當陽奮揚剛德聖人在宥丕顯慈謨若時東朝擁
佑之休篤斐南面尊臨之大恭惟皇太后睿文而聰智
淵靜而含宏御于家邦獨一審求之治施于孫子於昭
傳國之功繼序其皇有室大競臣叨分郡寄企想朝儀
庭燎因以箴之敢忘美報思齊所以聖也惟嗣徽音

冊寶號

賀壽明皇太后

方秋崖

斷鰲而立四極於皇擁佑之勲乘龍而御萬邦誕輯歸
尊之冊文所以聖民無能名

中賀

臣聞洛書闡於龜疇

九五福而曰壽河圖著於犧畫重兩離而繼明獨兼二
者之華徽有僕萬年之熙洽恭惟皇太后濬猷淵靖秉
詰懿恭挈神器而置諸安為天下母洗道心而藏於密
與造物遊編之詩書施于孫子臣親逢盛際久頌康衢
魏乎成功既補媯皇之石昭哉嗣服永娛長樂之鐘

壽成尊號

賀太皇后

應松湖

流徽彤管盈汗青女史之書紀號雕珉冠大紫仙都之
籍尊母儀而無上宣孝治以有光殿下婉德娥英密著
虞嬪之懿傳芳任姒克媚周姜之思鍊五色以補天毓
重明而夢日載篤曾孫之慶深隆祖后之尊顯冊穹魏
祿儀舄奕上壽中壽不壽為三壽萃多祉以日增大書
特書屢書不一書侈彌文之歲講

賀太皇后

應松湖

重闈介壽聳瞻瑤極之紫仙顯號推崇上冠玉清之丹
籍祿容焜耀第祉駢蕃殿下離麗重明坤載萬物德諧
烈祖早釐降以嬪虞慶篤文孫終貽謀而與啓歷數衍
仍雲之系蓬萊宴日月之長燄煌彤管之書赫奕洪徽
之盛慈顏不老孝治有光誦思齊思媚之詩遠繼周太
任之躅紀長樂長信之制俯卑漢太后之宮

聽政

賀皇太后同聽政赦書

真西山

坤元正位方知長樂之尊
共號揚庭廣肆端門之赦
華夷均被宇宙一新恭惟
皇太后陛下懿質配天徽
音麗極婦儀克謹久嬪虞
帝之明母后獨高宜有文
王之盛俶憂勤而共政首
曠蕩以施恩臣濫分銅虎
之符獲拜金鷄之詔屬車
豹尾莫陪漢殿之班卷耳
關雎但誦周南之化

冊妃

賀皇太后

陳寅牋

儀圖淑哲助掖聖明命出庭闈慶繇宗社恭惟皇太后
陛下夙高內治丕著母儀聯太極以尊居雖藏於密稽
四星之下照宜叅厥華爰迪東於庶嬪以躋榮於亞后
六宮環忭四海交欣臣屬忝近文聳聞大冊敢輯頌聲
於廣廈以綿慶祉於東朝

誕皇子

賀皇太后

陳寅牋

穹昊儲祥元良毓秀慶新南面喜洽東朝恭惟皇太后
陛下履德靜專頤神冲澹授基圖於聖子已安視膳之
榮啓兆睽於文孫遂廸含飴之愛既前星之發耀宜慈
極之增崇臣久荷洪休欣逢盛事敬祝母子萬年之壽
永觀本支百世之強

賀太上皇后

王格齋

月無私照方助成與子之謀星有重暉乃不負弄孫之
願慶闕七廟福萃重親殿下應地無疆後天不老周姜

思媚馴致武王之生有域方將是開相土之烈親見神
孫之岐疑邳隆寶祚之熾昌臣墮在山林踐修香火不
但起華封之意請祝聖人又將歌周頌之篇亦右文母

改元

賀皇太后

陳實牕

位嚴太極有開纂紹之春秋命播初元數載君臨之日
月星流一札風動四方恭惟皇太后陛下道盛虞嬪德
隆文母萬幾同總丕崇正始之規七政均齊茂建更新

之化聿新嗣歲重定紀年洪惟開寶之初施及慶元之
際雖間取於一義未兼著於兩端茲按先猷實為後法
臣濫塵京紱拱讀宸綸始陳擁右之功已備形於推美
終述輔成之善當益謹於布宣

冬至

賀皇太后

陳寶牕

環三年而紀閏天序肇開冠正月以書元人和始暢福
流海宇慶輯庭闈恭惟皇太后陛下道合希夷神函虛

靜仁心似日久扶盱食之憂勤和氣如春甫迪含飴之
嘉慶屬三百六旬交會之際正七十二候權輿之初共
隨玉陛之尊永介瑤池之壽臣退循蒙樞夙拱坤寧仰
文昌殿之崇深陳儀有倣想長樂宮之縹緲受福無疆

翰苑新書後集上卷二十一